

PƆLU KALATA'N M'Ɔ LILI MUA HELELI NWANLIN TESALONINKI ASƆNUN MMA'N-MƆ'N

M'Ɔ wƆ nun'n

Anun, Tesaloninki ti Masedvanun mân nun anun elɔ kulo kpili'n kɔn. Silivun mɔ be fele yí biekun Silasi'n, nun Timote yê be bukalɔ Pɔlv maan ɔ bɔli elɔ asɔnun nun ɔ. Nan kemɔ Zufu'n-mɔ totua yí atun'n, Pɔlv a nje man Tesaloninki ebɛle (Junman 17). Ɔ kpatili ɔ fi Masedvanun mân nun anun ɔ hɔli Akayi mân nun anun. Nan m'ɔ fi Masedvanun mân nun anun hɔli'n, ɔ sɔvanlin Timote Tesaloninki elɔ ke ɔ hó nían asɔnun mma'n-mɔ abusu se be yacili man bé dedi'n be tili man wɔ ahulɔwa'n mɔ be le kele bé nun anwɔn an. Mɔ Timote hɔli walɔ m'ɔ bɔli amannɛ fe heleli Pɔlv'n, yí lɔa cɔcɔli nán ɔ'a hele kalata ehi ɔ'a nwan bé. Kalata nun anun, ɔ'a nwun Nyanman anwɔn ye, ese ɔ'a wowula bé anwɔnsele ke be tila bé dedi nun anun be hó bé nyunnun.

Kalata nun ati 1-3, Pɔlv le kacɔ ke ɔ kpɔnlin lili junman'n bé afian elɔ'n. Yê ɔ di fe ke sunnzun mɔ be le nwun yale, be le bé dedi nun anun kpolo. Ɔ kulo ke ɔ nwun bé nwɔn biekun. Kalata nun ati 4.1-12, Pɔlv le kacɔ bé ngehele'n m'ɔ heleli bé wɔ enanndɛ kpa nun anwɔn'n cɔnnjin, be síe bé nwɔn ye wɔ ajɔamannun ngacile kwalaa anwɔn. Kalata nun ati (4.13-5.11), Pɔlv le kan yé Mɔn Zozi Kilisi ewale'n mɔ ɔ 'sa ba nun ejɔle. Kalata nun agualɛ nun, Pɔlv le tu bé fuɔ ese ɔ le yeyila bé.

Ahɩn ebisa

¹ Mɩn Pɔlɔ, mɩn nɔn Silivɩn nɔn Timote yê ye le kele kalata ehi ye nwan emɔ Tesaloninki asɔnin mma'n-mɔ ɔ. Emɔ mɔ be nɔn yé Sɩ Nyanmɩan nɔn yé Mɩn Zozi Kilisi a yɔ kɔn'n, ye 'bisa emɔ ahɩn.

Nyanmɩan nwún emɔ anwɔn anwunnvoe, ese ɔ cíci emɔ alba.

Asɩna

² Ye da Nyanmɩan asɩ cɩan daa wɔ emɔ dunman nun, ese ye sele Nyanmɩan Kpili cɩan daa ye man emɔ. ³ Nyanmɩan m'ɔ ti yé Sɩ nɩn anyunnun, temɔn biala yé ti kacɩ emɔ nyɔlie'n m'ɔ kele ke emɔ le dedi, emɔ kulo bé nwɔn, ese yé Mɩn Zozi Kilisi ewale cɩan nɩn anwɔn anyɩndasɔe mɔ emɔ le yí'n, ɔ ti man nzemɩnde. ⁴ Anianman-mɔ, ye sɩ ke Nyanmɩan a hulo emɔ, ɔ'a nɩan menian'n-mɔ anun ɔ'a kpa emɔ maan b'a yɔ yí die. ⁵ Ɔ sanlɩn ke nán yé nɔan mgban nɩn ala yê ye falɩ ye bɔli Ejɔlekpa'n ye heleli emɔ ɔ. Nan Wawɛ Nwannzan-nwannzan'n jinlanlɩn yé nzin maan ye bɔli yí tunmin sɔ kɔsɔ ye heleli emɔ. Ɔ manlɩn emɔ nwunlɩn yí fɔ́ɔn kɔsɔ kpa ke Ejɔlekpa sɔ'n ti ananhɔle. Ke ɔ kɔ yɔ nán emɔ a kpasi'n, emɔ nwunlɩn ke ye kpɩnlɩn ye nɔn emɔ tanlanlɩn'n. ⁶ Emɔ a nɩan yé nɔn yé Mɩn asitanlan sɔ nɩn asɔ. Ehɩka ati yê be heleli emɔ ahɔlɔwa kpa temɔn mɔ emɔ leli Nyanmɩan Anɔan Ejɔle'n be lili nɩn ɔ. Nan kɔsɔ Wawɛ Nwannzan-nwannzan nɩn a man emɔ le fe elie. ⁷ Ɔ man Masedɔanɩn nɔn Akayi mân nɩn anun, se be 'kan bé kwalaa mɔ b'a le Zozi Kilisi b'a li nɩn ejɔle a, be bɔ emɔ dunman. ⁸ Ɔ sanlɩn ke Nyanmɩan Anɔan Ejɔle'n teteli emɔ Masedɔanɩn mân nɩn anun ɔ nɔn Akayi mân nɩn anun. Ɔ'a nga man ebele ala, nan mân'n líka kwalaaatin, be bɔ

dedi'n mɔ emɔ le yí wɔ Nyanmian anun nun anwɔn ejɔle. Yí ti, yé muonun ye ngan man emɔ dedi nun anwɔn ejɔle kón. ⁹ Ke emɔ kpɔnlɔn sɔli yé nun mele mɔ ye hɔli emɔ elɔ, ɔ nɔn ke emɔ kpɔnlɔn yɔli be yacili amɔvan'n-mɔ be guali be fali bé nwɔn be manlɔn Tiasifɔe Nyanmian'n m'ɔ ti ananhɔle'n nán b'a su yí'n, menian'n-mɔ kwalaa kan yí nwɔn ejɔle. ¹⁰ Eɛe be kan ke emɔ le nwɔnndɛ ke Nyanmian Awa Zozi m'ɔ man ɔ fi ewue nun ɔ'a tinngɛ'n, ɔ fi nyanmiansu ɔ bála. Afi, yí dein yê ɔ de yé ti nán Nyanmian sikpe'n m'ɔ le ba nun a ngun man yé ɔ.

2

Pɔlɔ nɔn yí manngɔn'n-mɔ junman'n

¹ Anianman-mɔ, emɔ muonun si ke, emɔ anwɔn elɔ ewale mɔ ye walɔ'n, ɔ'a nyɔ man mgban. Afi, yé Min junman'n mɔ ye walɔ lili yí emɔ afian elɔ nun a su mma kpa. ² Emɔ si ke be heleli yé ahɔlbwa Filipu kulo nun asu elɔ kwalaaaka nán y'a ju Tesaloninki. Mɔ ye juli emɔ anwɔn elɔ'n, menian'n-mɔ jɔli yé sele kpa, nan kɔsu Nyanmian Kpili manlɔn yé anwɔnsɛle maan ye bɔli Ejɔlekpa'n ye heleli emɔ. ³ Ɔ man Ejɔlekpa sɔ'n mɔ ye bɔ ye kele menian'n-mɔ'n, ɔ ti man atɔ ejɔle, ye mmɔ ye mgbɔnndɛ man esika, eɛe ye mmɔ ye nnaka sɔanlan fíí. ⁴ Nan ye kan ejɔle'n ke Nyanmian Kpili muonun kulo ke ye kan yí'n. Ɔ sanlɔn ke ɔ'a nwun yé ti anun, ɔ'a bu yé ɔ'a fa yí Ejɔlekpa'n ɔ'a wula yé sa nun. Yí sɔ ati, ye ngan man mɔ ye kan an, menian'n-mɔ akunnun jɔ yí nwɔn'n, nan mɔ Nyanmian Kpili akunnun jɔ yí nwɔn'n yê ye kan ɔ. ⁵ Emɔ muonun si ke ye lakali man emɔ lé, eɛe yé nyɔn bɔlɔli man emɔ anwɔndɛ'n-mɔ lé.

Nyanmian muonun di yí nwɔn adanzie. ⁶ Cian bie lé, y'a mgbɔndɛ man ke emɔ anaan ɛhɪnlin-mɔ fɔa yé. ⁷ Kemɔ ye ti Kilisi mmɔfɔɛ'n, ye kɔala ye kele emɔ yé tunmin'n mɔ ye le yí'n, nan yé die, y'a nyɔ man yí sɔ. Mɔ anɪn ye wɔ emɔ anwɔn elɔ'n, ye bebeleli yé nwɔn asɪ ye manlin emɔ. Ye yɔli ke eta m'ɔ le nɪan yí mma ɔ. ⁸ Ehulo kpili'n mɔ ye kulo emɔ nɪn ati, nán Ejɔlekpa nɪn angɔnmɪn ala yê ahan ye 'bɔ ye kele emɔ ɔ, nan ɛsɛ ahan ye 'fa yé muonun yé ngɔan'n ye man emɔ. Ɔ sanlin ke emɔ anwɔn hianlin yé sɔnman. ⁹ Anianman-mɔ, emɔ sɪ yí fɔ́ɔn ke mɛle mɔ anɪn ye le bɔ Nyanmian Ejɔlekpa'n ye kele emɔ'n, ye lili junman sele kpa kɔngɔe nɔn eyua, ye nwunlin yale nɔn ɛfɛ, ye nyanlin esika ye sieli yé nwɔn. Ɔ man emɔ anun bie fíí a mmɔ man yé nwɔn kale. ¹⁰ Emɔ nɔn Nyanmian di yé nwɔn adanzie ke ye bɔli abalabɔ mɔ yí nwɔn ti, m'ɔ ti fɔ́ɔn, mɔ be nnyan man yí nwɔn ejɔle ete fíí be ngan man wɔ emɔ mɔ be de Zozi be di nɪn afian. ¹¹ Emɔ sɪ ke ye nɔn emɔ anun kɔn biala tanlanlin ke sɪe nɔn yí mma. ¹² Ye wowulali emɔ anwɔnsele, ye cɪcɪli emɔ alɔa ɛsɛ ye tuli emɔ fɔɔ ke emɔ bɔ́ bala kpa m'ɔ sɔ Nyanmian Kpili anyɪn. Afɪ, yí muonun yê ɔ'a fele emɔ ke emɔ bála be káci yí anunminnyanmɔn belemgbin mán nɪn anun menian ɔ.

¹³ Ehɪka ati, ye da Nyanmian asɪ cian biala. Ɔ sanlin ke mɛle mɔ ye hanlin Nyanmian Anɔan Ejɔle'n ye heleli emɔ'n, emɔ a nne man ejɔle sɔ'n b'a ndɔ man nɪn ke kulo sɔanlan ejɔle, nan emɔ sɔli nɪn ke ɔ ti Nyanmian Anɔan Ejɔle sakpa. Ɔ man emɔ mɔ be de be di'n, Ejɔlekpa sɔ'n le di junman sele wɔ emɔ asitanlan nɪn anun. ¹⁴ Anianman-mɔ, Nyanmian menian'n-mɔ mɔ be wɔ Zude mán nɪn

anun elɔ mɔ be non Zozi Kilisi a yɔ kɔn'n, emɔ a kaci ke bé ala. Yalɛ mɔ Zufu'n-mɔ heheli bé'n, yí kɔnmgba nun ala yê menian mɔ be non emɔ ti nun a hele emɔ nun ɔ. ¹⁵ Zufu sɔ'n-mɔ mɔ be hunlin yé Mɔn Zozi non Nyanmian mgbɔmanfɔe'n-mɔ'n, bé yê be heheli yé yalɛ nun ɔ. Be nzɔ man Nyanmian anyun, ese be kpɔ menian'n-mɔ kɔalaatin! ¹⁶ Be kulo ke be tan yé nyinsu, yí die anin ye ngan man ejɔle'n ye ngele man bé mɔ be ti man Zufu'n nán b'a nyan bé ti. Bé nyɔlie sɔ'n, ɔ man bé ete nun a sɔn. B'a yɔ dede b'a man Nyanmian sikpe nun a hyi bé.

Pɔlv alva le dɔ Tesaloninki asɔnun mma'n-mɔ

¹⁷ Yé die, anianman-mɔ, ke ye titili yé nwɔn nun kaan'n, ye nwunlin man emɔ anwɔn, nan kɔsu yé ti wɔ emɔ su dahuu. Yé lva le dɔ emɔ kpa, ye kulo ke ye nwun emɔ anwɔn. ¹⁸ Ehika ati, yé nwan ahan ye 'ba emɔ anwɔn elɔ. Nan mín bɔbɔ mín Pɔlv, m mɔbɔali mín nwɔn kɔn, yí nzin biekun, mín nwan mɔn 'ba, nan *Satan a man y'a nnyan man atin. ¹⁹ Mele mɔ yé Mɔn Zozi 'ba a, mɔ ye 'ba fite yí nyunnun'n, nzu like die anwɔn yê ɔ 'nian fɔa yé ɔ? Yé fe elie like'n y'ɔ le benin? Nzuke yê ɔ kele ke ye lili kunnunmun mɔ ye kɔala ke ye fa ye tu yé nwan nun ɔ? ²⁰ Yé anunminnyanmɔn ɔ non yé fe elie'n kɔalaa y'ɔ le emɔ.

3

¹ Ehika ati, kemɔ y'a tanlan dede ye ndi man emɔ angan fí'n, sian y'a ngɔala man nwɔnnde kún. ɔ man y'a fa ajɔnlɔn ke Timote hó nían emɔ abɔsu, nán yé ngɔnmɔn ye ka Atenin ewa. ² Yé nianman Timote non yé y'ɔ di Nyanmian junman nun ɔ. Yé non yí y'ɔ bɔ Zozi anwɔn Ejɔlekpa'n ye kele menian'n-mɔ ɔ. Ye

le sɔan yí emɔ anwɔn elɔ ke ɔ wówula emɔ anwɔnsele, ɔ cíci emɔ alɔa, esɛ ɔ búka emɔ maan bé dedi'n jínlan yí ja nun kpa. ³ Yí díe, anɔn emɔ anun bie fíí anwɔn a mmubu man yí wɔ yalɛ'n mɔ ye le nwun yí kíkɔala nɔn anun. Afi emɔ muonun sɔ ke yalɛ sɔ'n mɔ ye le nwun yí'n wɔ ninngɛ'n-mɔ mɔ Nyanmɔian sesielɔ manlɔn yé nɔn anun bie. ⁴ Afi mɛle mɔ anun ye tɛ wɔ emɔ anwɔn elɔ'n, ye lili mɔa ye hanlɔn ye heleli emɔ ke be le ba hele yé yalɛ. Mɛle sɔ'n yê ɔ'a ju nɔn ɔ, emɔ muonun sɔ. ⁵ Ehika ati, kemɔ m'an tanlan dede mɔ mɔn ndɔ man emɔ angan fíí'n, mɔn tanlan an, ɔ ndanlan man. ɔ man m'an sɔan Timote emɔ anwɔn elɔ, ke ɔ hó nían se emɔ tɛ le dedi wɔ Zozi nun an. N nili yalɛ ke bíci Abɔnsanmɔn a a a sɔ emɔ a nɔan, ɔ'a kaci emɔ ajɔnɔlɔn, ɔ'a man yé junman nɔn a yɔ mgban.

Timote amannɛ'n

⁶ Nan kíkɔala díe, Timote fi emɔ anwɔn elɔ ɔ'a a. ɔ'a bɔ emɔ anwɔn amannɛ fe ɔ'a hele yé. Yí nwan emɔ le dedi, emɔ le ehulo, esɛ yí nwan emɔ ati wɔ yé sɔ dahuu, emɔ alɔa le dɔ yé sele kpa, emɔ kulo ke be nwun yé nwɔn ke yé kɔsɔ ye kulo ke ye nwun emɔ anwɔn'n. ⁷ Ehika ati, anianman-mɔ, yalɛ nɔn efe'n mɔ ye ti nun'n, emɔ a man yé lɔa a cíci. ɔ sanlɔn ke emɔ dedi nɔn a wowula yé anwɔnsele. ⁸ ɔ man kíkɔala díe, yé nwɔn a sanndɔ yé, afi emɔ jin bé ja nun be nɔn yé Mɔn tɛ nanndɔ. ⁹ Ye le emɔ anwɔn fe elie kpili wɔ Nyanmɔian anyunnun, ɔ man ye nnwun man like fíí bɔbɔ mɔ ye 'fa ye 'da Nyanmɔian Kpili asɔ ɔ. ¹⁰ Kɔngɔe nɔn eyua, ye sele yí kpa ke ɔ mán ye nyán atɔn ye nwún emɔ anwɔn biekuɔn, nán ye héhele emɔ ninngɛ mɔ ɔ'a ha wɔ emɔ dedi nɔn anwɔn'n ye sɔ sɔ.

¹¹ Yé Si Nyanmian Kpili muonun, ɔ non yé Mɪn Zozi Kilisi, be sésie yé atɪn kanlanman maan ye bála nwun emɔ anwɔn. ¹² Ehulo'n mɔ emɔ kulo bé nwɔn, mɔ emɔ fa kulo menian'n-mɔ kɔvalaatin'n, yé Mɪn mán ɔ hó yí nyunnun kpa ke ehulo'n mɔ ye fa ye kulo emɔ'n. ¹³ Yé Mɪn wówula emɔ anwɔnsele ɔ mán emɔ ahɔnlɪn'n-mɔ anun tí, nán b'a nnyan emɔ anwɔn ejɔle ete fíí b'a ngan man wɔ Nyanmian m'ɔ tɪ Si e nɪn anyunnun, mele mɔ yé Mɪn Zozi non yí anwɔntɪe mma'n-mɔ kɔvalaa 'ba a'n.

4

Abalabɔ m'ɔ sɔ Nyanmian anyɪn'n

¹ Ehi, anianman-mɔ, abalabɔ mɔ emɔ bɔ a, ɔ sɔ Nyanmian anyɪn'n, ye heleli emɔ. Ye de ye di ke emɔ bɔ abalabɔ sɔ'n. Nan, sian diɛ, ye le butu ye sele emɔ ke yé Mɪn Zozi dunman nun, emɔ bó bala sɔ'n kpa be hó bé nyunnun be mán ɔ tála daba'n. ² Afi emɔ si, amanmuo'n mɔ yé Mɪn Zozi heleli yé ke ye bú'n, y'a han yí nwɔn ejɔle y'a hele emɔ.

³ Nyɔɔɛ mɔ Nyanmian kulo'n y'ɔ le ehi: ɔ kulo ke emɔ yɔ menian nwanzzan-nwanzzan, ese emɔ nian bé nwɔn ye kpa wɔ satɪɪfɔe nyɔɔɛ'n-mɔ anwɔn. ⁴ Emɔ anun kɔn biala nwún yí yi já, ɔ non yí be tánlan anwɔntɪe nun, ɔ non anyɪnnzɔ nun, ⁵ nán emɔ a nnyan man ajɔnlɪn basa basa ke bé mɔ be nzi man Nyanmian'n le yí'n. ⁶ Asitanlan sɔ nɪn anun, sɔanlan fíí n'ɔ bu yí manngɔn anyunnun ɔ seɛɪ yí ajaa, anaan ɔ di yí dufule. Ye hanlɪn ye heleli emɔ, ese ye kannzɔli emɔ kpa ke menian mɔ be yɔ ete sɔ'n, Nyanmian Kpili 'ba tua bé yí nwɔn kale. ⁷ Afi, Nyanmian a nvele man yé ke ye yɔ satɪɪfɔe nyɔɔɛ, nan ɔ'a fele yé ke ye bó abalabɔ m'ɔ sɔ yí nyɪn

ye mán yé nwòn tí. ⁸ Ehika ati, sɔanlan mɔ ɔ'a nni man ngehele sɔ nun asu'n, nán kulo sɔanlan yê ɔ'a mmu man yí like ɔ, nan Nyanmian Kpili'n mɔ ɔ'a fa yí Wawε Nwanzan-nwanzan'n ɔ'a man emɔ'n yê ɔ'a yi yí ɔ'a tɔ ɔ.

⁹ M'ɔ tɔ de ehulo'n mɔ emɔ kulo anianman'n-mɔ mɔ be le dedi'n, ɔ njian man ke ye keε emɔ yí nwòn kalata biekun ɔ. Ɔ sanlɔn ke Nyanmian muonun a hele emɔ ke emɔ kpín be húlo bé nwòn'n.

¹⁰ Sakpa, emɔ kulo anianman'n-mɔ kɔalaa mɔ be wɔ Masedwanɔn mán nun anun'n. Nan kɔsu, anianman-mɔ, ye 'sele emɔ ke emɔ nyán ehulo kpili m'ɔ tala ehɔ asu. ¹¹ Emɔ mían bé bu kpa be tánlan wɔ anzɔnunjɔ nun, emɔ nían emɔ muonun anwòn ejɔle be lí, ese emɔ lí junman be kpóndε mɔ emɔ a mian yí nwòn'n, ke ye seli emɔ ke emɔ yó'n. ¹² Se emɔ yɔ yí sɔ a, menian'n-mɔ mɔ be nzi man Nyanmian'n, bé nyin 'ba sɔ emɔ, ese emɔ ngɔ mian man like fíí anwòn.

Yé Mɔn yí ewale'n

¹³ Anianman-mɔ, ye kulo ke emɔ nwun bé mɔ b'a wu nun anwòn ejɔle'n fóón, nán emɔ anwòn a mmubu man bé ke bé mɔ be nzi man Nyanmian nun anwòn bubu bé'n, ɔ sanlɔn ke be le man anyɔndasɔε ke yé. ¹⁴ Yé diε, ye de ye di ke Zozi a wu, ese ɔ fi ewue nun ɔ'a tɔnge. Yí ti, ye de ye di biekun ke Zozi dunman nun, Nyanmian Kpili 'ba man bé mɔ be de yí be di mɔ b'a wu'n ngɔan maan be fi ewue nun be tɔnge. ¹⁵ Ehɔ anwòn, emɔ tie yé Mɔn ngehele ejɔle kɔn mɔ ye le kan ye keε emɔ'n. Ejɔle sɔ'n y'ɔ le ke mele mɔ yé Mɔn 'ba a'n, yé mɔ yé nyin tε wɔ su'n, ye ngɔ li man mɔa bé mɔ b'a le Zozi b'a li mɔ b'a wu nun anyunnun. ¹⁶ Ɔ sanlɔn ke be 'ba man

atın, nyanmiansu mmɔfɔe mgbain'n-mɔ anun kɔn 'ba tian nun, be 'ba hu Nyanmian kɔnɔti'n, anın yé Mın muonun fi anwunno elɔ ɔ le ju ba. Bé mɔ b'a le Kilisi b'a li mɔ b'a wu'n, be fi ewue nun be 'di mɔa be tinngɛ. ¹⁷ Yí nzin, yé mɔ yé nyın te wɔ sɔ tɛmɔn sɔ nın anun'n, yé nɔn bé mɔ be fi ewue nun b'a tinngɛ'n, be 'ba fɔla yé kwalaa bɔlé nın anun anwunno elɔ, ye 'kɔ a kpa yé Mın atın. ɔ fi ebele, yé nɔn yé Mın ye 'tanlan dahuu. ¹⁸ Ehika ati, emɔ fá ejɔle sɔ'n-mɔ be wówula bé nwɔn anwɔnsele.

5

¹ M'ɔ tɔ de cian anaan mele mɔ ninngɛ sɔ'n-mɔ 'te'n, anianman-mɔ, ɔ njian man ke ye kele emɔ yí nwɔn kalata. ² Afi, emɔ muonun si yí fɔ́n ke yé Mın yí ewale cian'n 'ba li yé nvu nun ke awofɔe m'ɔ le wua kɔngɔe ɔ. ³ Mele mɔ eyuadi nın anun menian'n-mɔ alba 'ba fi bé nwɔn, mɔ be 'ba han ke: “Ye le anzɔnunjɔ, ese ye nzusu man ejɔle fíí”, tɛmɔn sɔ'n yê nvu nun mgban, munnzue'n 'ba tɔ bé ke nwɔnnzɛfɔe mɔ yí kɔ kɔ han yí. ɔ man bé nun bie fíí ngɔ nnyan man atın nán ɔ'a nwanndi. ⁴ Nan emɔ die, anianman-mɔ, emɔ ti man awosin nun, nán cian sɔ nın a li emɔ nvu nun ke awofɔe m'ɔ le wua ɔ. ⁵ Afi, emɔ kwalaa ti kanlannie'n nɔn alhian nın anun menian. Nán alisan nɔn awosin nun menian y'ɔ le yé. ⁶ Ehika ati, nán be man yé dafi ke menian ehınlın-mɔ, nan be mán ye sísa, ese ye yó yé ninngɛ'n-mɔ kwalaa kpe kpe kpe. ⁷ Afi kɔngɔe yé be da be dafi ɔ, ese kɔngɔe yê menian'n-mɔ nɔn nzan dede be bu ɔ. ⁸ Nan yé die, alhian nın anun menian y'ɔ le yé. Ehika ati, be mán ye yó yé ninngɛ'n-mɔ kwalaa kpe kpe kpe. Ke sɔanlan m'ɔ le kɔ elɔe'n wula

bulale taladi'e'n o sisa yi hue'n, ye kusɔ ye nyán dedi o non ehulo. Ke sɔanlan mɔ le kɔ elɔe'n sɔ bulale kele'n o sisa yi ti'n, ye kusɔ ye nyán anyindasɔe ke Zozi a le ye ti. ⁹ O sanlin ke Nyanmian a nvele man ye yi nwɔn ke ye wú sikpe ewue, nan o nanndi ye Mɔn Zozi Kilisi asɔ, o'a fele ye yi nwɔn ke y'a a nyan ngɔan. ¹⁰ Afi, ye ti ye Zozi wuli o. O man se ye nyin wɔ sɔ, anaan se ye wu a, ye 'nyan ngɔan ye non yi tanlan dahuu mele mɔ o 'ba sa ba'n. ¹¹ Eɔika ati, emɔ cíci bé nwɔn alɔa, ese emɔ wówula bé nwɔn anwɔnsɛle ke emɔ a bɔ yi bu be le yo'n.

Aftu

¹² Anianman-mɔ, ye le sele emɔ ke emɔ mán bé nyin só menian mɔ be di ye Mɔn junman wɔ emɔ afian elɔ, mɔ ye Mɔn dunman nun, be li emɔ ati, ese be kannzɔ emɔ'n. ¹³ Bé junman'n mɔ be di nin ati, emɔ fɔa bé kpa, ese be húlo bé kpa. Emɔ afian elɔ, emɔ tánlan wɔ anzɔnunjɔ nun.

¹⁴ Anianman-mɔ, ye 'sele emɔ ke, emɔ kánnzɔ efɔanfɔe'n-mɔ. Bé mɔ be nwɔn a bubu bé'n-mɔ, emɔ wówula bé anwɔnsɛle, emɔ bóka bé mɔ be le man anwɔnsɛle'n, be sí abɔtale wɔ menian'n-mɔ kwalaa anwɔn. ¹⁵ Emɔ nían bé nwɔn kpa, nán sɔanlan fíi a nva man ete a ndua man ete'n kale. Mele biala anun, emɔ afian, o non menian nga'n-mɔ kwalaa afian, emɔ bó abalabɔ kpa.

¹⁶ Emɔ lí ndutue cian daa. ¹⁷ Emɔ yó asɔnin temɔn biala. ¹⁸ Emɔ lá Nyanmian asɔ like biala anun. Emɔ mɔ be non Kilisi Zozi a yo kɔn'n, like mɔ Nyanmian le kpɔnnde yi emɔ elɔ nin anin. ¹⁹ Emɔ nán be tan Wawe Nwannzan-nwannzan nin anyinsɔ, nán o fi emɔ anun o'a ndu man. ²⁰ Ejɔle mɔ Nyanmian Wawe'n kɔ fa kɔ wula sɔanlan anɔan m'o kɔ han'n,

nán man emó bu yí ejòlè mgban-mgban. ²¹ Nan kúsv, emó nénian yí kwalaa anun, be fá m'ò tí kpa'n be síe. ²² Like biala m'ò man be tó ete nun'n, nán be yó. ²³ Nyanmian Kpili m'ò tí alvacicie baka'n, ó fá emó yó yí díe kpa bókó. Ó nían emó svanlan baka nun asv, emó ajónlín nun asv, ó nòn emó ekala nun asv. N'ò man efian fíí kan emó dede ó jú yé Mìn Zozi Kilisi ewale cian. ²⁴ Nyanmian Kpili m'ò ó'a féle emó yí nwón'n tí ananhòlefúe, ó 'yó yí sò man emó.

²⁵ Anianman-mó, emó séle Nyanmian be mán yé kúsv. ²⁶ Yé 'yó anianman'n-mó mó be wó eló'n kwalaa like, emó tó bé nun bé man yé. ²⁷ Mìn 'sele emó kpa wó yé Mìn dunman nun ke emó kíngga kalata ehí be héle anianman'n-mó kvalaatin.

²⁸ Yé Mìn Zozi Kilisi nwún emó anwón anwun-nvoe.

Nyɥhyɛ Fɔfɔlɛ'n
Anyin: Nyɥhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2024-02-11

PDF generated using Haiola and XeLaTeX on 21 Feb 2024 from source files
dated 29 Jan 2022

b4bf56fc-6e3d-5a7c-9f55-25d2c3645a88